

Colbergisch Bier.

Dies Bier in Pomern / ist auch
ein gut Weiß oder Weizen Bier /
gesundt vnd starck / davon man
des orts viel helt / vnd weit ge-
führet wird.

Breslawisch Bier.

Breslaw in der Schlesie / brawet
auch ein Weizen Weiß Bier / das
nennen sie Scheps / Ist ein süßes /
lieblichs Bier zutrinken / das
weit vnd breit bekandt ist / Doch haben sie
noch darüber ein Gersten Bier / davon an
seinem ort.

Sittawisch Bier.

Sittaw in der obgenandten
Schlesie / brawet man auch ein gut
Weiß Bier / neben dem Kotten / Vnd
sol diß Weizen Bier / auch ein gut ge-
trenck sein / wie man mich davon berichtet.

Kadensch Bier.

Kaden / ligt an der Bhemischen
grenze / vnd wird daselbst auch ein
gut Weiß Bier gebrawet / das in
vieler lobte stehet / Wiewol man
des orts auch Rot Bier brawet.

Vnd so viel auff dißmal / von den Weiß-
zen oder Weissen Bieren / als dem Hoff-
gesinde